



Logopedia en il chantun Grischun

Il 27 da mars 2007 ha la regenza deliberà il **concept grischun da pedagogia speziala (concept per la scola speziala)** dal mars 2007. En quel è determinads ils svilups ils pli impurtants en il sector da la pedagogia speziala per il Grischun per ils onns suandants, tranter quels er las incumbensas e las funcziuns dal servetsch da pedagogia curativa dal Grischun (SPC). Cun approvar quest concept ha la regenza reglà fundamentalmain las incumbensas dal SPC.

Silsuenter ha il SPC – per incumbensa da l'uffizi per la scola populara ed il sport (USS) – concretisà sias incumbensas e sias funcziuns en in **concept spezial per il temp a partir dal 1. da schaner 2008**. Il 18 da december 2007, pia curt avant l'entrada en vigur da la nova concepziun da la gulivaziun da finanzas e da la repartiziun da las incumbensas tranter la confederaziun ed ils chantuns (NGF), ha la regenza deliberà il concept spezial dal SPC. Ina novaziun impurtanta è stada la domiciliaziun professiunala ed organisatorica d'ina part dal sector spezial da la logopedia tar il SPC. D'ina vart è il SPC vegnì incumbensà cun l'organisaziun e cun la purschida da la logopedia en la vegliadetgna prescolara (a partir da la naschientscha fin a l'entrada en scolina). Da l'autra vart è las logopedas regionalas vegnidas integradas en las structures dal SPC per garantir in scleriment omogen, ina purschida da propostas ed ina garanzia da qualidad unitara. En quest regard è differents concepts vegnids elavurads.

Sin basa dals concepts numnads survant ha il SPC sviluppà – en collavuraziun cun las logopedas regionalas – in **dossier da qualidad concernent la logopedia per il chantun Grischun** (link: <http://www.hpd-gr.ch/login/>). Quel è vegnì approvà dal departament il 6 da settember 2010. Lien ha il departament tranter auter autorisà ed incumbensà las logopedas regionalas da realisar – en enclegientscha cun la direcziun da fatschenta dal SPC – il dossier da qualidad en las regions.